

王雲五主編
清張鵬翮輯

三國蜀諸葛忠武侯亮年表

臺灣商務印書館發行

中華民國六十七年五月初版

三國蜀諸葛忠武侯亮年表 一冊

定價新臺幣十二元正

輯者 清張鵬翮

主編者 王雲五

發行者 臺灣商務印書館股份有限公司

印刷所及 臺灣商務印書館股份有限公司

登記證：局版臺業字第〇八三六號

版權所
翻印必究

新編中國名人年譜集成詳卷索引

所謂新編中國名人年譜集成者，以年表為四
十卷，而民了同一之也。因抗戰而中止。為日
國二十一年一二、本年復續後，歲改單，迄二十
六年一二三之年乃抗戰終局，利利在後，莫不
決意年表為條一都分，以昭後世。東方國之始
目，先後訪明，亦改其數十的為冊，其中檢方
譜一而二三十條，連同中國史地書而收，佔內
外各書新書若干條，合計不下二百餘條，以昭
板加研究。藉思年譜之也，宜於研究，多有為

諸君の訂、或は校書中人筆迹、不知上か諸
君之志久、吾人知者、誠見以或遺稿也の
功業、陳本か諸君記程、吾人不知之史家大
都詳確、古代其比原の諸君名は諸君人、故
解る願者、此與原氏正史家も諸君の諸君可程
、吾人不利か諸君之記程、甘本則清、七或曲
考の之、本而吾人則史家の考有正史家之考
也、吾人則曲也七、吾人則清也、然則是考
史家也、故與外人考諸君也、結、吾人則清也
、吾人則清也、吾人則清也。

[illegible]

式之定門也、通同就收也人等心及土地者其
差利、合計已達二万餘以上。即憶の十ヶ年未
差之功、即考二三ヶ年、若一而證訪道便可計其
、若平部迄三万餘石、一而通同結算及是所
多方内表れり。即定何百二万餘、一而遊議論
當要引、公名後主都之政要引、現在一二万爲
之矣、即後主議要引之已成、二万持以細正
書之、取定記証。世々御覽要引、次將孤在之
、請見川多所、安端重少治乃著手冊、始便從
了。用印証定日本寺の月報毎月景於十餘、今

新編中國名人年譜集成附詳盡索引序

六

所謂新編中國名人年譜集成者，以余曾於四十年前從事同一工作。因抗戰而中止。蓋自民國二十一年一二八本館初後半載復業，迄二十六年八一三之全面抗戰期間，利用本館董事會決議年撥盈餘一部分，以供復興東方圖書館之用，先後訪購木板古籍十四萬冊，其中括有年譜一百二十種，連同中國史地叢書所收館內外專家新著如千種，合計不下百四十種，得暇暇加研究。藉悉年譜之作，實始於宋，多數為譜主自訂，或口授子弟門人筆述；不則亦於譜主沒世未久，其門人故舊，就見聞或遺稿代為編纂，幾等於譜主親撰。其中所述言行史實大都詳確，古代著作原以藏諸名山傳諸其人；故鮮有顧忌，此與歷代正史率由新朝為勝朝所撰，遇有不利於新朝之記載，無不刪汰，甚或曲筆為之。幸而我國修史者多為具有正義感之學者，不肯歪曲過甚，寧刪汰忌諱；然因是不免失真已多，持與私人年譜相較，往往不無差異。此為宋以後之年譜可貴者也。

至唐五代以前之年譜，則由後人就史書或譜主遺著搜集考據而成，不如宋以後各譜之追真；然合治一爐，亦足備參證，然究非宋以後年譜之比也。是為余四十年前所得之印像。

今者旅臺將及卅載，續收中外圖籍約達五萬冊。鑑於前在大陸所藏之七萬冊珍貴圖籍，以共匪竊據大陸，未及移出，以致散佚或陷於不可知之命運者，懲前毖後，特斥資自設一圖書館，命名為財團法人雲五圖書館，公諸社會閱覽，計所收中文圖書別集類往往括有年譜在內或有已單行者，連同新收近人著作及史地叢書舊刊，合計已達二百種以上。竊懷四十年前未竟之功，假我二三年，當一面續訪遺佚或新著，當不難達三百種左右；一面選擇精要及具有各方代表性者，假定仍留二百種；一面逐譜編製索引，則最後全部之總索引，殆在一二百萬之數，不僅集年譜索引之大成，亦可持以糾正史書之闕失訛誤。惟是編製索引，須將孤本之年譜先行景印，每譜至少須得若干冊，始便從事。因即決定自本年四月起每月景印十種，分輯發行，其版式不同者皆統一為卅二開本。查古籍多為二十四開或三十二開。卅二開本者，其原式大小不變，廿四開者略予縮小，字體亦亦然可觀。至原史地叢書係卅二開本，除字體過小予以重排，餘則照原式景印。人文庫本為四十四開，字體略小，研究年譜者多為中年以上之士，因一律放大為卅二開，則字體隨版式而加大；且集成全書可大小一致，間有佳作為同業出版而必須納入集成者，則當洽讓版權，想同業樂觀厥成，當不難達成協議也。是為序。

三國蜀諸葛忠武侯亮年表

遂寧張鵬翹輯

瀋陽劉廷璣
建安方允猷

全校

昭烈漢帝也。諸葛漢丞相也。勢雖偏據于蜀。統實正承于漢。自陳壽欲帝魏。乃書曰蜀。爲武侯作傳。亦曰蜀志。且序侯事甚略。凡屬曹馬之所絀者。多隱而不宣。世乃以其辭簡意舉。稱爲良史才。不亦異乎。復見張南軒補傳。詳略得宜。誠爲信史。而侯之興漢討賊。死而後已。一片忠肝義膽。與日月爭光矣。誌本傳。

三國蜀諸葛忠武侯亮年表

本傳

宋石文殿修
撰謚曰宣
張
栻

諸葛亮。字孔明。瑯邪陽都人。蚤孤。從父玄依劉表。亮從玄來荊州。玄死。遂家于南陽隆中。幼與潁川徐庶元直。及石廣元孟公威游學。三人務爲精熟。亮獨觀其大略。每晨夜從容抱膝長嘯。而謂三子曰。卿等可至郡守刺史也。問其所志。但笑而不言。公威念鄉欲還。亮曰。中國饒士大夫遨遊。何必故鄉邪。稍長躬耕隴畝。好爲梁父吟。時人莫測也。惟與庶及博陵崔州平友善而重龐德公。每獨拜牀下。而德公亦稱之爲臥龍。沔南名士黃承彥。謂亮聞君擇婦。身有醜女。才堪相配。亮許。卽載送之。時人爲之諺曰。莫學孔明擇婦。止得阿承醜女。建安十二年。左將軍豫州牧劉玄德來荊州。訪世事於襄陽司馬德操德操曰。腐儒俗士。豈識時務。識時務者。

在乎俊傑。此間自有伏龍鳳雛。問爲誰。曰諸葛孔明龐士元也。徐庶見左將軍於新野。左將軍器重之。庶曰。諸葛孔明者臥龍也。將軍豈願見之乎。

左將軍曰。君與俱來。庶曰。此人可就見。不可屈致也。將軍宜枉駕顧之。左將軍遂詣亮。凡三往乃見。因屏人曰。漢室傾頽。奸臣竊命。主上蒙塵。孤不度德量力。欲信大義於天下。而智識淺短。遂用猖獗。至于今日。然志則不已也。君謂計將安出。亮曰。自董卓以來。豪傑並起。跨州連郡者。不可勝數。曹操比袁紹。則名微而衆寡。然操遂能克紹。以弱爲強。非惟天時。抑亦人謀也。今操擁百萬之衆。挾天子而令諸侯。此誠不可與爭鋒。孫權據有江東。已歷三世。國險民附。賢能爲之用。此可與爲援而不可圖也。荊州北據漢沔。利盡南海。東連吳會。西通巴蜀。此用武之國。而其主不能守。此殆天所以資將軍。將軍豈有意乎。益州險塞。沃野千里。天府之土。高祖因之以成帝業。劉璋闇弱。張魯在北。民殷國富而

不知存恤。智能之士。思得明君。將軍既帝室之胄。信義著於四海。總攬英雄。思賢如渴。若跨有荊益。保其巖阻。西和諸戎。南撫彝越。外結好孫權。內修政理。天下有變。則命一上將。將荊州之軍以向宛洛。將軍身率益州之衆。出於秦川。百姓孰不箪食壺漿以迎將軍者乎。誠如是。則伯業可成。漢室可興矣。左將軍曰善。於是與亮情好日密。關羽張飛等不悅。左將軍曰。孤有孔明。猶魚之有水也。願諸君勿復言。亮時年二十七。劉表愛少子琮。長子琦不自安。問亮以計。亮不對。他日獨與升高樓。撒梯而後問之。亮曰。君不見申生在內而危。重耳在外而安乎。琦感悟。求出守江夏。明年表卒。琮立。會曹操南侵。琮遣使迎降而不以告。操兵至宛。左將軍始聞之。亮說左將軍曰。攻琮荊州可有也。左將軍不忍。乃引去。荆人多歸之。衆至十餘萬。操引精騎急追。及於長坂。左將軍棄妻子。獨與亮等數十騎走至夏口。亮曰。事急矣。請奉命求救於孫將軍。時權

擁兵柴桑。觀望成敗。亮說權曰。海內大亂。將軍起兵。據有江東。劉豫州亦收衆漢南。與曹操共爭天下。今操芟夷大難。略已平矣。遂破荊州。威震四海。英雄無所用武。故豫州遁逃至此。將軍量力而處之。若能以吳越之衆。與中國抗衡。不如早與之絕。若不能當。何不按兵束甲。北面而事之。今將軍外託服從之名。而內懷猶豫之計。事急而不斷。禍至無日矣。權曰。苟如君言。劉豫州何不遂事之乎。亮曰。田橫齊之壯士耳。猶守義不辱。況劉豫州王室之胄。英才蓋世。衆士仰慕。若水之歸海。事之不濟。此乃天也。安能復爲之下乎。權勃然曰。吾不能舉全吳之地。十萬之衆。受制於人。吾計決矣。非劉豫州莫可以當曹操者。然豫州新敗之後。安能抗此難乎。亮曰。豫州軍雖敗於長坂。今戰士還者。及關羽水軍。精甲萬人。劉琦合江夏戰士。亦不下萬人。曹操之衆遠來疲敝。聞追豫州。一日一夜。行三百餘里。此所謂強弩之末。勢不能穿魯縞也。故兵法忌之。

三國蜀諸葛忠武侯亮年表

曰必蹶上將。且北方之人。不習水戰。又荊州之民附操者。逼兵勢耳。非心服也。將軍誠能命猛將統兵數萬與豫州協規同力。破操軍必矣。操軍破必北還。如此。則荆吳之勢強。鼎足之形成。成敗之機。在於今日。權大悅。卽遣周瑜程普魯肅等水軍三萬。隨亮詣左將軍。併力拒操。遂破操於赤壁。左將軍南征。收江南以亮爲軍師中郎將。使督零陵桂陽長沙三郡。調賦稅以充軍實。羣下推左將軍爲荊州牧。治公安。孫權來請結好。左將軍欲往見之。亮以爲不可。左將軍固往。至則周瑜果請留之。權不從。左將軍既歸。歎曰。天下智謀之士。所見略同。如此。十六年益州牧劉璋。遣法正迎左將軍。亮關羽等留守荊璋命左將軍擊張魯。十七年返兵擊璋。十八年圍雒。亮與張飛趙雲等沂江定白帝江州江陽。十九年與左將軍會圍成都。成都平。左將軍領益州牧。以亮爲軍師將軍。署左將軍府事。於是並用羣才。凡劉璋所嘗授任。及其婚姻。與所排擯忌恨。悉別其器能。處以顯

任、有志之士。無不競勸。亮佐益州、政尙嚴。法正謂亮曰。高祖入關。約法三章。秦民知德。宜緩刑弛禁。以慰新附。亮曰。秦政苛急。天下土崩。高祖因之。可以弘濟。劉璋闇弱。自是以來。文法羈縻。互相承奉。德政不舉。威刑不肅。蜀土人士。專權自恣。君臣之道、漸以陵替。寵之以位。位極則賤。順之以恩。恩竭則慢。所以致弊。實由於此。吾今威之以法。法行則知恩。限之以爵。爵加則知榮。榮恩並濟。上下有節。爲治之要。於斯著矣。左將軍領兵向漢中。亮鎮守成都。足食足兵。左將軍嘗急調兵。亮以問蜀部從事楊洪。洪曰、漢中益之咽喉。今日之事。男子當戰。女子當運。調兵何疑。亮乃表洪爲蜀郡太守。調度皆辦。亮用人惟其才能。不論資歷。先後洪初爲李平功曹。及平遷犍爲守。洪已爲蜀郡。洪門下書佐何祗有才智。舉郡吏。數年拔守廣漢。時洪猶在蜀郡也。西土皆服。亮能盡時人器用類如此。二十一年。曹操爲魏王。二十二年。操建天子旌旗。出

三國蜀諸葛忠武侯亮年表

警入蹕。二十四年。左將軍敗操兵於漢中。亮帥羣下上左將軍爲漢中王。表聞漢帝。時孫權稱藩於操。遂襲殺關羽。取荊州。二十五年。亮勸漢中王誅劉封。封本寇氏之子。王至荊州。以未有繼嗣。育而子之。後與孟達守上庸。關羽呼封達自助。不肯往。後與達念爭。達叛降魏。封破敗還成都。亮以封凶猛。易世之後。終難制御。故勸王正其罪而誅之。是歲冬。曹丕篡立。改元黃初。明年傳聞漢帝被弑。漢中王發喪制服。羣下請稱尊號。王未許。亮曰。曹氏篡漢。天下無主。大王劉氏苗裔。紹世而起。乃其宜也。王從之。夏四月丙午。卽皇帝位。改元章武。以亮爲丞相。錄尙書事。假節。策曰。朕遭家不造。奉天大統。兢兢業業。不敢康寧。思靖百姓。懼未能綏。於戲。丞相亮。其悉朕意。無怠。輔朕之闕。助宣重光。以昭明天下。君其勗哉。於是置百官。立宗廟。祫祭高皇帝以下。皆亮實左右之。是歲秋。帝念關羽之敗。帥諸軍伐吳以報怨。亮留守成都。明

年春。亮聞帝兵敗。還永安。歎曰。使法孝直在。必能諫上不東行也。帝不豫。二年春。召亮會永安。亮至永安。四月病篤。謂亮曰。君才十倍曹丕。必能安國。終定大事。嗣子可輔。輔之。如其不才。君可自取。亮涕泣曰。臣敢不竭股肱之力。效忠貞之節。繼之以死。帝又爲詔戒敕其子。且曰。汝與丞相從事。事之如父。帝崩。亮得遺詔。太子卽位于成都。改元建興。封亮武鄉侯。領益州牧。事無巨細。皆決於亮。亮發教羣下曰。夫參署者。集衆思慮廣忠益也。若遠小嫌。難相違覆。曠闕損失。違覆而得中。猶棄敝蹻而獲珠玉。然人心苦不能盡。惟徐元直處茲不惑。又董幼宰參署七年。事有不至。至于十反。來相啓告。苟能慕元直之什一。幼宰之殷勤。有忠於國。則亮可以少過矣。又曰。初交州平。屢聞得失。後交元直。勤見啓誨。前參事於幼宰。每言則盡。後從事如偉度。數有諫止。雖姿性鄙暗。不能悉納。然與此四子。終始好合。亦足以明其不疑於直言也。